

分部本草妙用

二



分部本草妙用卷之二

古吳友七散人顧逢伯君升父纂

心部

溫補

紅花

辛溫無毒

主治產後血運惡血絞痛胎死蠱毒活血潤燥止

痛散腫



按紅花色紅。又血分中藥。血生于心。藏于肝。屬于衝任。雖心經藥而血分皆通焉。故能通血脈。行經水。多用則破血。少用則養血安神。可主不眠。功捷于別味補心藥也。故首錄之。

乳香

辛溫微毒 明潤者曰滴乳爲佳

主治消毒腫定諸經之痛護心活血伸筋婦人產難折傷長肌補腎療心腹痛

乳香入心經。活血定痛。故爲癰腫心腹痛及產科

久用之。今人多用于外症。以其護心托毒而不知
心氣痛。及將產已產。前後爲緊要之藥。取其潤澤
活血止痛。更不傷神也。何可少廢。有痛症者無痛
內外急需之。

紫石英

甘溫微毒。入手少陰足厥陰血分。長石爲使。畏
附子。惡黃連。得茯苓人參。療心中結氣。得天雄。莖
蒲。治霍亂。

主治心腹欬逆去邪氣補不足女子風寒入子宮

絕孕。定驚悸。安魂魄。填下焦。止消渴。除胃寒。散瘧腫。

按紫石英上能鎮心。重以去怯也。下能益肝。溼以去枯也。心生血。肝藏血。其性煖而補。故心神不安。肝血不足。乃女子血海虛寒。不孕者宜之。

寒補

丹參

苦微寒。無毒。畏鹹水。反藜蘆。

主治養神定志。通利關節。治冷熱勞骨節疼痛。破



宿血生新血安生胎落死胎止血崩帶下調經活血通心胞絡治疝痛腰痛強脚痺如神

按丹參其色合心故入手足厥陰經心與包絡血分藥也不論產前後一味丹參散可與四物同功其破宿生新安生落死其功效以之治風軟脚可逐奔馬故其別名曰奔馬草

丹砂

甘微寒無毒 惡磁石畏鹽水忌一切血

主治安魂魄除邪鬼益氣通神明目通血脉益精

神鎮心尸。疰潤心。肺治瘡痂。驚癇。解胎毒。瘧毒。治邪瘧。能發汗。

按丹砂外秉離火而內含真汞。色雖赤而反寒。離中有坎也。味不苦而反甘。火中有土也。是以同遠志。龍骨。則養心氣。同當歸。丹參。則養心血。同枸杞。地黃。則養腎水。同厚朴。川椒。則養脾土。同人參。茯苓。則治本身作兩人形症。同南星。川烏。則祛風明目。安胎解毒而發汗。隨佐使而見功。無所往而不可。

用緋絹作小囊盛丹砂置髻中則夜無惡夢神魂
安逸久服可以成仙神品也

寒瀉

黃連

苦寒無毒 治少陰心火本藥黃芩龍骨連翹理

石爲使惡菊花玄參荒花 僵蠶畏款冬花

牛膝解巴豆烏頭毒忌猪 冷水生用治心經火

猪胆汁炒治肝胆實火醋炒治肝胆虛火上焦酒

炒中焦薑汁炒下焦鹽水炒治氣分溼熱之火則

以茱萸湯炒治血分塊中伏火則以乾漆水炒去
食積則用黃土炒若非因病製用則投之不靈黃
肥堅實者爲佳

主治熱氣目痛背傷腸癖心腹痛下痢陰中痛消
渴口瘡除水厚腸胃諸瘡疳氣殺蟲鬱熱在中嘔
吐痞滿瀉心火風溼安虵潤大便結通小便秘去
心竅惡血

按黃連爲苦燥之劑苦能勝熱燥能制溼所以爲
目疾危痢之要藥故羊肝丸用之而洗眼以連歸

芍藥等分用雪水甜水煎湯熱洗治痢用秀連水
火散用乾薑黃連左金丸同吳茱萸薑連散同生
薑口瘡方同細辛治下血同大蒜皆一冷一熱寒
因熱用熱因寒用陰陽相濟而成功者也丹溪佐
以龍胆草瀉肝胆火佐以人參救噤口痢佐以茯
苓治中焦溼熱韓悉以心腎不交佐以官桂少許
則交于頃刻則知無溫補之劑而黃連不能獨用
也然而燥寒之藥中病卽止豈可久服以伐冲和
之氣乎秦觀與喬希聖書云久服黃連反從熱火



化。心火偏勝。是以火救火。其可乎。王荆端久服火
熾。內障喪明。皆彰彰矣。岐伯曰。五味入胃。各歸所
喜。攻久而增氣。物化之常也。氣增而久。天之由也。
觀此。寧特喪明乎。王冰註云。酸入肝爲溫。苦入心
爲熱。辛入肺爲清。鹹入腎爲寒。甘入脾爲至陰。而
四氣兼之。皆增其味而益其氣。各從本藏之氣爲
用。所以久服黃連苦參反熱。從火化也。餘味皆然。
久則臟氣偏勝。卽有偏絕。而暴亡之禍。釀于莫知。
味可偏有所好乎。是以不食五味。不食烟火者。長



年而成仙者有以夫。

胡黃連

苦寒無毒

心黑外黃與川連異解巴豆忌猪

主治補肝膽明目厚腸胃去骨蒸熱乳汁點目甚

良去果子積治久痢成疳婦人胎蒸小兒驚癇寒

熱等症功不及川連多服令人漏精

鬱金

辛苦寒無毒

入心及包絡馬藥用之又名馬薺

古人用之以治鬱遏不升者色又黃故名鬱金

〔主治〕去心家積血陽毒入胃下血頻痛血氣心腹
痛產後敗血冲心失心癲狂蠱毒女子宿血及心
氣痛

按鬱金屬火與土有水其性輕揚上行吐衄唾血
及經脉逆行並宜鬱金末加韭汁薑汁同童便服
下其血自清痰中帶血加竹瀝鼻血上行同韭汁
加四物湯用凡驚憂痰血絡聚心竅金能入心去
惡血化頑痰更有痰入心竅而癲狂者非此不效
牛黃引邪入心鬱金去心痰血痰中心者寧用金

而不用黃。○一方用鬱金七兩明礬三兩爲末。糊九白湯下。

毒瑁

甘寒無毒

主治解熱除毒散結消癰鎮驚行氣血解百藥毒痘毒傷寒熱結狂言

毒瑁色赤象心而性反寒涼解毒清熱之功同于犀角近用犀角而不用毒瑁何哉

性平

沒藥

苦平無毒

主治破血止痛。金杖諸惡瘡痔漏。破癥瘕宿血損傷瘀血消腫。毒心胆受虛。肝血不足。墮胎及產後心腹血氣痛生肌。

沒藥大槩通滯血。血滯則氣壅。氣壅則經絡滿急。經絡滿急。故痛且腫。凡打撲等傷。氣血瘀滯作腫痛者。並宜沒藥研爛酒服。推陳致新。除惡血。生好血。夫乳香生血。沒藥散血。皆能止痛消腫生肌。故

二藥每兼用有功

牛黃

苦平有小毒 人參爲使得牡丹菖蒲利耳目惡

龍胆地黃常山畏牛膝

主治

驚癇狂痊除邪逐鬼大人癲狂小兒諸癇急

慢驚風中風失音口噤天行時疾中惡益肝胆定

精神除熱止驚痢清心化痰涼驚痘瘡紫色發狂

謔語

東垣曰牛黃入肝治筋病凡中風入臟必用牛雄

腦麝入骨透肌以引風出。若風中腑及血脉者用之。恐引風邪入髓如油入麪莫之能出也。牛黃專治心及胆之症。如病非心肝而遽用之。反引邪入心而莫救矣。用之者何以痰症而槩用哉。

赤石脂

甘平無毒 惡大黃松脂畏芫花

主治養心氣明目益精療腹痛下痢瘕痔女子崩

漏難產下胞衣

石脂色赤宜心象也腹痛諸症皆火爲之殃。崩漏